



熱烈慶祝菲律賓南瀛吟社成立二十周年特刊(二)

【南瀛詩詞】第592期

南瀛慶煖

二零二五年九月廿九日



陳挺

石州慢·南瀛立社廿年感賦
 椰雨蕉風，餘火馬容，巴石河闊。
 吾曹良會銀星，鄧客高懷同結。
 斯文不墜，自今重振騷壇，
 平平仄仄從頭說。
 締白社鷗盟，恰中秋佳節。
 痴絕。
 筆端詞氣，醉後詩聲，吟窗情切。
 大雅扶輪，無悔相看黃髮。
 唐音宋韻，換取鏡裏華年，
 因緣廿載紅牙節。
 沐海角南薰，共天涯明月。

施榮煥

寄調《鳳凰台上憶吹簫》
 菲律賓南瀛吟社成立廿年紀念
 椰雨蕉霜，散裘羈馬，
 殘羹羈寓瀛洲。
 歡集會、生花詠月，推韻敲儔。
 是友如師共勉，翰墨緣、千島盟鷗。
 相知晚，結綬竹林，擊浪同舟。
 炎窗夜深驚夢，
 欣得句，閒吟隨意賡酬。
 客中樂、三更論賦，廿載春秋。
 猶憶星離永別，空悲切、高雅長留。
 喜承繼，樹旌再展風流。

宸馨

喜長新·南瀛吟社成立廿年感懷
 詩經漢賦喜相逢。廿載情濃。
 清音妙律響菲空。雲箋漫卷珠叢。
 椽筆生花舒意，豪氣偕同。
 文心似水可離龍。一壺共醉唐風。

子偉

滿庭芳·南瀛吟社
 詩逸南瀛，中秋月皎，
 經年吟幟高揚。
 鋪箋耘字，攜藻繪菲鄉。
 幾度唐風宋雨，
 漫贏得、玉振華章。
 刊行處，珠璣盈篋，芸帙蘊奇香。
 疏狂。追往昔，
 蕤鱸緒遠，山海情長。
 更杯酒邀賢，韻叩滄浪。
 欲問傳承興緒，
 看鵬舉、翼展重洋。
 期來日，扶輪大雅，再舉紫霞觴。

賀南瀛吟社成立廿載

賀語穿雲震昊穹，南洋聚彥雅聲豐。
 瀛台煥彩詩潮湧，吟幟飄香墨浪濃。
 社友同心歌偉績，廿秋共砥拓新峰。
 年光淬玉清名遠，慶典飛觴賦九重。

凌子卉

賀南瀛社慶廿周年
 南瀛廿載創吟舟，北斗題詩遍九州。
 結社初衷牽夢想，邀歡本志寄鄉愁。
 宋文傳語尋桑路，唐韻承經覓故洲。
 採筆千言皆翰墨，儒風一脈洩春秋。

千山綠

清平樂·賀南瀛吟社廿載
 蕉風椰雨，菲島傳清韻。
 韻詠聲中迎雁序，廿載吟旗高舉。
 揚帆墨海无垠，唐音宋律常新。
 四海騷人同賦，南瀛誦和芳鄰。

亦勵

風入松·南瀛立社二十年（依龍譜）
 蕉風椰雨潤詩聲，
 廿載寄深情。
 撫箋漫寫家山月，
 待更闌、筆落潮生。
 墨瀋猶沾唐韻，吟襟未減蘭馨。
 雲搖何處問歸程？鴻雁向飛鳴。
 文穹廣袤通寰宇，
 縱天涯、同契鷗盟。
 莫道南瀛荒遠，有朋共守心燈。

一陣風

沁園春·賀南瀛吟社成立二十周年
 廿載耕莘，墨香盈盈，雅韻未休。
 憶瀛南結社，初盟鷗鷺；
 狂歌低誦，詩海浮舟。
 椰下推敲，林間吟唱，
 筆底生花萬壑流。
 回頭望、看花香幾度，碩果盈丘。
 今朝更上層樓。
 正群彥、崢嶸展壯猷。
 有詩承唐韻，氣吞星海；
 詞宗兩宋，嚮遍瀛洲。
 海外薪傳，天南繼晷，
 古調新風各自由。
 期來歲、待華篇再續，共醉金甌。

醺人

千秋歲引
 ——步王安石「別館寒砧」原韻
 國粹承傳，天涯海角。
 二十年來見輪廓。
 追文逐字南瀛聚，
 揮毫信筆佳詞落。
 多少載，終不變，今如昨。
 銅臭週遭難束縛。
 平仄隨身登書閣。
 風雅臨頭此心卻。
 酒盅頻舉當然事，
 詩情未愧長生約。
 度期盼，千秋歲，皆名著。

蔡天生

調寄《鷓鴣天》
 菲律賓南瀛吟社成立廿周年誌慶
 廿載南瀛意志同，
 中秋結社月明中。
 弘揚國粹循李杜，嘯聚天涯共把盅。
 秉堯舜，振文風，
 真情更比酒還濃。
 詩刊六百期堪證，文化中興酬素衷。

楚語

臨江仙·賀南瀛吟社廿週年慶
 締結鷗盟揚國粹，南瀛傳頌嘉聲。
 廿年互勉筆勤耕，
 雲箋韻律，圓月共潮昇。
 雅集星輝騷客賦，墨香濃郁芳盈。千
 篇錦綉匯蘭亭，
 吟旌獵獵，擊楫續新程。

惜貞

賀南瀛廿周年
 幾度南瀛騷客聚，詩風築夢遠流傳。
 行文廣集清芬作，上網重逢舊雨連。
 未許韶光隨弱水，還憑暖意付新天。
 春秋廿載多佳話，建樹無聲勁節堅。

老頑童

有令令·賀南瀛社慶
 ——原步趙長卿「前山減翠」
 描霜寫翠。
 兼擊醜揚清，敢評誅雜碎。
 吟社宗唐宋，從心處、靈思至。
 健筆飛、努力耕耘，
 七分睿智，三分輕俐。
 共擬。平同仄似。
 超俗志、不跟誰比。
 九月秋高十八，互約須爭氣。
 合該信念如此。
 脫塵則美。甘苦樂、已經廿歲。

莊農夫

江城子·紀念南瀛吟社成立二十周年
 當年結社正中秋。
 意方遒，志同酬。
 遙望嬋娟，千里解鄉愁。
 共沐唐風攜手進，
 無盡趣，樂心頭。
 耕耘廿載喜豐收。
 莫言休，更層樓。
 故土椰鄉，國粹永傳留。
 氣爽天高今又是，
 思往事，憶詩儔。

懷念已故詩友

- 一、芳楠
 以詩會友闢專欄，國粹宏揚君為先。
 今日南瀛提舊事，誰人能忘馬容仙。
 注：芳楠兄家住馬容山下，是菲律賓
 發現靈芝第一人，詩友稱他為馬容芝
 仙。
- 二、悟真
 論老勇將盟主坐，渾身正氣待人真。
 滴酒不沾詩多醉，絕句幾行憚味津。
 注：南瀛成立時，詩友們一致推選年
 齡最大的悟真兄擔任社長。
- 三、弄潮兒
 早，生面別開晨問好。弄潮兒，
 引朋詩海闊。
 注：2000年，手機初興，弄潮兒兄自
 創仄韻早之十六字令，吸引一些不懂
 平仄的親朋好友加入學習古詩詞的行
 列。
- 四、一民
 歲臨八十迷平仄，恰似雄鷹老再飛。
 尋韻拜師勤和唱，詩山取寶笑顏歸。
 注：一民兄著有一書《如鷹再騰
 飛》，書中講述老鷹老時經過痛苦的
 蛻變後再騰飛的故事。

施滄液

南瀛吟社立社廿年
 信此吟旌海外揚，文風蔚起在儒商。
 七千朝夕古心慕，六百期刊雅韻長。
 遊子生涯知己聚，昇邦嘯咏性情彰。
 今宵盛會杯同舉，更上層樓正啓航。

藍山

祝賀南瀛吟社成立二十週年讚
 乙酉中秋古韻歡，南瀛樹幟暢開端。
 難能疊唱心胸潤，猶可和吟藝友寬。
 師輩傾囊呈谷米，社長歷任護芝蘭。
 溫馨團抱詩情暖，二十風華不簡單。
 注：南瀛吟社成立於二零零五年九月
 十八日（農曆乙酉中秋節）。

少峰

南瀛吟社成立廿年感懷
 怡然回首憶南瀛，聚會裕華詩意生。
 車笠同懷經廿載，唱酬疊韻數千情。
 並肩執友凝霜鬢，轉眼騷朋奠落英。
 椰雨澄清吟句老，新知策馬再登程。

中元

南瀛吟社成立二十周年
 一
 結社耕耘二十年，花開桃李滿枝妍。
 詩吟格律書香溢，宋韻唐風海外傳。
 二
 耕雲播雨在椰州，雅韻文壇二十秋。
 名震岷灣情獨寄，譽馳海島趣相投。
 騷朋詩友千杯醉，墨客靈仙萬卷留。
 舒嘯憑欄知菊節，南瀛吟社競風流。

沁園春·南瀛吟社成立二十週年紀念

廿載春秋，報端遺芳，譽滿菲邦。
 聚文壇俊彥，生花妙筆，
 清茶濁酒，一詠成章。
 仄韻清奇，平聲俊雅，
 國粹傳承向遠航。
 秋風起，雨飄花蕊綻，勁草琴堂。
 詩詞典冊芬芳。
 恰見證、中華史韻長。
 讚唐風宋律，楹聯煥彩，
 今辭古典，過海飄洋。
 千島延留，詩田舊夢，
 老友新朋道吉祥。
 活溪筆，伴星移日月，翰墨飄香。

客寧

南瀛吟社成立二十周年
 南瀛吟嘯匯，廿載宋唐風。
 故國藍濤北，新鄉綠島中。
 聽音詩韻律，奮筆恢宏弓。
 唱和聲交響，書生意氣雄。

南瀛小片段——兼賀南瀛廿年慶

維港航樓故舊逢，新芽小樹沐春風。
 屏箋沾染征途雨，墨漬沉浮麗影瞳。
 漫步詩叢無勵志，初窺韻譜少言工。
 廿年景緻參其半，後學南瀛感五中。

阿占

南瀛吟社二十周年有感
 關山遠隔客思濃，託付詩詞意萬重。
 廿載耕耘異鄉路，初心不改共登峰。

施純柏

南瀛立社二十週年
 聚賢廿載強，同譜國繁昌。
 半路投枯稿，古稀誦雅章。
 有吟皆意趣，無夢不家鄉。
 敢有扶搖翼，星河共月觴。

松濤

菲律賓南瀛吟社成立二十週年誌慶
 老輩風流八月稠，喜同梅竹作朋儔。
 岷都夕社三千客，瀛海騷壇二十秋。
 蕉葉詩題遊子句，椰杯酒賦美人優。
 雅章觴詠蘭亭會，韻和南薰茂遠猷。

敬和志蘭兄祝賀南瀛吟社成立二十週年贊

瀛洲騷客聚為歡，二十春秋寄筆端。
 漁唱岷灣煙水闊，賡酬菲島海天寬。
 閑吟煮雨新裁曲，細酌催詩共採蘭。
 南國鷗盟開白社，志同檣驥不愁單。



南瀛吟社二十周年感懷
 詩海浮槎歲易遷，平生最愛識英賢。
 行程物色成怡賞，見處詩朋結善緣。
 瀛洲無辭分玉體，蘭亭好共覓茶泉。
 歷來酬和俱清潤，更約砌磋年復年。

紀念南瀛吟社成立二十周年
 歲月崢嶸發浩歌，南瀛廿載疾如梭。
 炎涼世事愛心在，憂患民生感慨多。
 唐韻寄情欣勉勵，宋詞潑墨染菁莪。
 相期來日逸思涌，華夏人文海外播。
 南瀛立社二十周年感譜
 結社開吟志趣投，行來廿載顯風流。
 豈知情染鄧中雪，更喜心懷孺子牛。
 句裡無關名與利，筆端更見樂和憂。
 今朝再飲蘭亭酒，好駕雲帆詩海遊。

王承天
 千島詩緣紀慶——賀南瀛吟社廿週年
 當年初赴南瀛會，心喜驅車夜雨時。
 滿座文朋談興熾，一堂韻味逸思馳。
 詩緣薪火從茲結，墨海風帆共濟持。
 千島椰蕉裁錦句，吟旌廿載展豐姿。

柳夢影
 賀南瀛吟社廿週年慶
 海角鷗盟忽廿年，錦屏傳韻百千篇。
 尚期攜手向明日，共看霞光耀滿天。

